

## ظلمك ليا

وظلمك ليه مالوش آخر  
وعايز ليه تصافيني  
وكنت زمان حبيب غالي  
وكان حبك منى عيني  
وكنت تقول وبسمعك  
وكان قمرك بيهديني  
ونبضك كان باحساسي  
وعشقك نهر يرويني  
زرعت البعد في قلبي  
طرح أحزان تواسيني  
كرهت الدنيا والأيام  
كرهت الحب وسنيني

كتبت البعد والحرمان  
سطور موجوعه ترثيني  
وبعد دا كله جاي بتلوم  
وبتكتب شعر تشكيني  
بلاش تظلمني ياظالم  
كفايه الحزن ماليني  
كفايه هعيش من غيرك  
ونار في القلب تكويني